

範

衍

範衍卷之三

八政疇凡八十

農一



厥初生民獲其紫貝黍稷下蕤蕭荻上鬴五要八會

元吉貝博蓋切蕤鄂力切鬴於諸切菴鬴香氣要趙

以月要考月成以歲會考歲成以周知四國之治十

三卦首離次益次夬次噬所取者食貨食貨生民之本

也張行成曰河圖九數以五為中八卦交數以九為

中八政有九即政所從出之中而當皇極之主  
洪範次三為八政一曰食二曰貨所以養生三曰

祀所以報本民之所藉以生三者其首務也一二

三合爲離日，離爲龜爲蚌。二主于一三之中，厥初  
生民，獲其紫貝之象，黍稷民食之天，蕭荻生有香  
氣，可以祭。凡祭，灌鬯求諸陰，炳蕭求諸陽。二主麗  
于中，一下合，三上合。黍稷茂于下，蕭荻蔚于上，生  
養遂，鬼神依由。是要五而進于中，會八而要其終，  
皆初二三合以成麗之能事，是爲入政首善之吉。  
占宋氏曰：八政曰農用，農王者之天國，非農罔立，  
農非土政之善罔生。

靜有折衝、動還枉席、函丈以逆、迭爲主客、三六事時  
厥坼悔亡

七賓八師、八政之終事、九其政、政者七八九合離  
于上九八相麗以守、必折衝千里之外、以征必還  
之枉席之上、師得其爲師也、九七相麗、席間函丈  
匪前席以親之、卽側席以求之、能令賓至如歸、不  
求有司、七九互垣、賓主迭爲賓、得其爲賓也、如是  
將自一至三、自三至六、合八政而無不得其理、爲  
要終成麗而悔得亡之象占

震三



匪棲爲靈居乃恬匪錢爲神生乃猷匪鬼爲知心乃

休利用出入莫之或覘貞吉恬徒兼切安也猷通作

丑廉切

八政二爲貨三爲祀四司空掌土以安人之居二  
 三四合爲坎三以祀主坎中匪以四居爲靈匪以  
 二貨爲神更不容三鬼得以窺瞰其所存如是而  
 出入有不利用者元之民咸用之之謂神神此是  
 爲去坎之險貞坎之用八謀鬼謀百姓與能而占

吉

重 農四



有白馬客載其大赤鳴鳩前鳴鳴鳩後噓出入兵寇

一无所阨吉

大赤旌旗之屬噓胡麥切噓噴呼也言聲也刻于鳴鳩氏司馬無鳴氏司寇

八政六為司寇七為賓八為師六七八合為坎八

師六寇七居其中坎于馬為下首為薄蹄以色則

六八俱白有客有客亦白其馬也七為赤其中所

載之旂也純白其外丹赤其中雖處坎陷上下以

近相得出入兵寇一无所阨之吉占也

農五章



禮門義路茶壘呵護三五軼鳥四五缺兔匪養惟鷄

吉養也遇切今作鷄鷄古暮切今作顧風俗通黃帝

下簡閱百鬼之元道者

入政三日祀所以報本四曰司空所以安其居五

曰司徒所以成其性三四五合為離四麗五三之

中以居五在前禮其門義其路三在後鬼神為之

呵禁其不祥是為天下之安居然三五則既中之

時四五又是蝕之際必還視却顧无狃近娛而忘

遠慮然後占吉、魏應璩詩細微可不慎、隄濱自蟻  
穴、腴理早從事、安復夢、戴石哲人覩未形、愚夫暗  
明白、曲突不見寘、焦爛為上客、

農六  
章



湯網三面、左左右右、于鶴賓鴻、上下窈糾、喜母相守、

大吉、糾居齔切、窈糾舒遲、齔蟪、小黿、黿俗呼為喜、

集百  
事志

八政五司徒六司寇七賓五六七合為離、離為網

罟、古稱太昊師鼃鼃而結網、張望賦吐自然之纖



緒、先皇義以結網、太玄密網離于淵、不利于鱗、援  
我罟罟、絀羅于野、至網罟恒以密爲患、湯網三面、  
五七相生、不合圍也、左左右右、空无所入、六麗五  
七之中、奸無所容、刑措不用、中虛象也、子鶴集而  
紆遲于下、賓鴻集而舒遲于上、五教既貞、七賓來  
至、上下合以相麗、初无虞于網罟之災、非成湯之  
網、无以至是、占大吉也、

章  
農七



以上并七  
章

三卿分職、各不爲洫、標自中植、内外是力、不見鵜翼、

默无蛾惑吉

漁况逼切或作漢鵲耻力切本作鷺亦作鳩性食短狐在山谷中无復毒氣淮

賦溪鷺尋邪而逐害此鳥蓋溪中之物邪逐害者又其浮游雖左雖右群伍皆有式度或曰卿吟鷺鷥

四五六坎之象也合比中處四司空五司徒六司

寇三卿之職分而三卿之心之德惟一也食貨祀

內事賓師外事五統于三不見有事无不事事三

又要五爲中四六皆勿爲貳以居四民以敷五典

以詰姦慝各主其事不見有勅而无不勅故占吉

或曰食貨祀賓師五事領于三司此箕子以大國

三卿言之云

農八章



賤金玉貴菽粟鷦鷯曲局迅電莫矚亨粟相玉切賜之欲以

一二四震象也初為震主近主乎二匪金玉是寶

惟菽粟是貴也遠主乎四匪宮室是崇惟溝洫是

力也周禮大司徒任職授民之法首曰三農生九

穀首農重農也首農生九穀重穀也古之王者以

民為天民以食為天政如此二四中虛三祀缺于

中未嘗不與神伍諺神目如電匪以電矚而震體

從初无失故占亨

1 1 1 1 1 1 1 1

吉无咎。

祭八、先畝一、司農二、農三、百種四、郵表畷五、

坊六水庸七獮虎八杜氏通典伊耆之代始有蜡禮  
古之君子使之必報之貓食田鼠虎食田豕故迎其

之神祭也

六八九艮象也艮爲鼠又爲虎六爲司寇以禁姦

姦鼠之爲田患者也。八爲師以除殘禁暴夷虜之

殘暴豕之爲田患者也。九爲止主。以止六八于下。

有迎貓迎虎之象六八中虛貓而窳又將有不捕

之患虎而乳又將有啗人之患鼠豕既不爲害貓  
虎又善其用皆要終有止之象占故吉而又无咎

農  
辰  
十  
章



懷資在後報本則先匪谷之入惟喬之遷居无一廬

斯萬斯千貞

先遷俱蘇前  
切遷直連切

二三五巽之象也二主乎巽宜擅利以自封于三  
爲近而知下巽貨利在後祭報則先也于五爲中  
而知上巽又如鳥之出幽谷遷喬木也四虛于中  
居无一廬也五教上修三祀下相合爲身安之富

一 農  
章十

燧莫逢利貞

尺容切，鷓鴣氏司馬也。衝翬俱

師非正行鳴鳩失次也七爲八乘承不以道賓罔

所歸鴻雁橫衝也五七維睽五貞以中七八合孚

七至如歸入烽寢息無說不貞是爲兌亨利貞之

象占

農十

二章



東海有祠、號爲于公、于墻勿薄、于門特隆、鼓聲隆隆、

如雷斯同、大吉、

于公、東海下邳人、卽西平侯于定國、父爲縣獄吏、決曹掾、決獄平恕、未嘗

有冤、郡中爲立生祠、有孝婦、養姑甚謹、姑哀其无子、

守寡日久、以老累壯、後自經、母女告孝婦殺姑、吏毒

治、孝婦自誣服、以上府、于公以爲養姑十年、以孝聞、

此不殺姑、太守不聽、于是于公辭疾去吏、太守竟殺

孝婦、郡中枯旱二年、後太守至于公、白其故、于是祭

孝婦、天立大雨、歲豐熟、于公築治廬舍、謂匠人曰、爲

我高門、我後世必有封

者、及子果封、西平侯、

三四六震之象也、三爲震主、中虛以五震失其中、

六禁上厲、未得稱平、三居得位、與六相生、如于公

決獄平恕未嘗有冤三爲祀震爲東如東海郡中  
之有于公生祠四六中睽又如孝婦茹冤而郡中  
枯旱三震得令六冤旣平四門特高于公何心墻  
薄亟壞繒薄亟裂噐薄亟毀酒薄亟酸司政刑者  
固宜以厚爲道如于公所爲教化卽在其中如于  
公之爲祠禁清于六居安于四神道之教卽在其  
中不以司徒而若未嘗不備具耳

冊  
卷十  
二章

季羔逃亂則守郭門不缺不竇惟室之奔法吏樹德



所如為垣悔亡

季羔為衛士師，刑人之足，

謂之曰：於彼有缺，曰：君子不踰，又曰：於彼有實，曰：君

子不踰，又曰：於彼有室，季羔乃入焉，既而追責，曰：季

子，若去謂刑者曰：此子報怨之時，而逃我者三，何哉？

刑者曰：斷足固我之罪，昔公之治臣也，傾側法令，先

受臣以法，欲臣之勇于法也，豈知之失哉？定罪，臨當

論刑，君臥然不悅，臣又知之，君豈私臣哉？孔子聞之，

曰：善哉！為吏，其用法一也，思仁恕，則樹

德，加嚴暴，則樹怨，公以行之，其子羔乎！

四、六、七、艮之象也。七為止，主于四、六之上，與六為

水火相克之爻，又為近而相得之爻，六在內，則守

門之閤寺，七在外，則遠適之行人，七主乎六，先則

別人之士師，繼則逃亂之季羔，六依七止，先則被

刑之刑者、繼則司門之刑者、六七相遇、季羔逃亂、  
刑守郭門也、四六中睽爲缺、七所不踰爲竇、七所  
不隧、四爲室、七方入以爲安、不缺不竇、惟室之奔  
也、君子宅心長厚、用法仁恕、未嘗厲禁、而姦无不  
清、未嘗謀居、而居无不安、臨難无苟免之圖、而所  
如有、卽次之吉、占皆倣此、

卷十  
四章  
○○○  
一○○  
一○○  
一○○  
一○○  
一○○  
一○○

交、交冬、雇、未、雨、徹、土、綢、繆、牖、戶、簠、簋、內、臚、莊、衡、外、聚、

貞吉、

雇、候、古、切、冬、雇、竊、黃、通、作、雇、九、扈、氏、冬、雇、趣、民、蓋、藏、土、徒、古、切、桑、根、東、齊、謂、根、口、土、臚、文、甫、切、

筮方矩切內圓外方曰筮內方外圓曰簋簋盛黍稷  
籩盛稻粱莊音與杜同荇荇蘅香草聚慈使切

四五七巽之象四主乎巽冬扈氏也四五以近相  
巽无敢懷居植本培根惟五中是求率先允迪司  
徒之教也由五巽七賓旅无忘惟賢德是下惟正  
直多聞是招是徠惟戶牖是綢是繆也如是之居  
以簋簋則內膳禮教貞于內也以荇蘅則外聚門  
內有君子門外君子至聲應氣求慶譽遠流占貞  
吉也

彝常大訓列于司徒鬼神譏祥亦備司巫失禮入刑

雜糅則誅貞吉

糅女收切周禮男巫掌望祀望衍授號冬堂贈春招魂以除疾病女巫巫掌

歲持歲除暴恣早漢則舞雩舒國裳曰先王故鬼神以明民雖詛祝亦不之廢也王應龍曰明謂占夢眠視馮相保章司平之屬各司一事而世具其業皆有助于國家之治者自聖學不明天人道隔人心散而不合乎天下祝巫醫等官于是俱流于術數矣

三五六兌之象也六主乎兌惟五三是輔彝常大

訓列于司徒貞教惟侯之五也鬼神譏祥亦備司

巫祀事惟侯之三也失禮入刑五之所棄六之所

禁是謂明刑以弼教雜糅則誅瀆慢在三禁防在

六是謂成民以格神故占貞吉

農十  
六章

郊壘未平時、乃不可兵、獄犴未清、刑乃不可成、惟謨  
莖之鋢鋢、貞吉、謨、於驚切、莖、何耘切、音與行同、五謨  
帝譽樂五莖、頤帝樂鋢、戶旨切、音與

謨、𡵓驚切、莖、何耘切、音與行同、五謨  
帝譽樂五莖、頽帝樂鎗、戶旨切、音與

同橫

五、六、八、震之象也。五震主八遠而受五震，有如四  
郊多壘，此非可以責之八也。六邇而受五震，有如  
獄犴未清，此非可以責之六也。惟教立于五中，如  
謨與莖之和鳴，將八師不期寢而自不興，六禁不

待治而無不清，是為貞而得吉之象。占家語三軍大敗不可斬也，獄犴不治不可刑也，何者上教之不行，罪不在民故也。

農十  
七章



國有五更，徙倚為覺，府庫無贏，三歲不征，高山惟高。

景行惟行，吉。

更，古行切。五更，知五行五代之事者，覺戶旨切。音與洪同。贏，以成切。胡叔心曰。

古者擇三公之有年德者，謂之三老。天子以父事之。二孤之有年德者，謂之五更。天子以兄事之。

二四五，艮之象也。五為止主，以止四。二于下，四適而受其止，徙倚而稟其教令也。二遠而受其止，貨

利不殖家无餘利亦賤貨貴德棄利嗜義惟五是  
止之君子也三歲不征四安无事二飽无求于此  
无染當一切无染高山惟高景行惟行故占吉也  
顧叔時曰古今懷才負智銳然以英傑自命者比  
是而是究竟實能大有建立底亦寥寥可數揆厥  
所由大都爲安飽二字誤却嗚呼旨矣

長計  
八章  
一〇〇一〇〇〇〇〇〇〇〇

民不待禁而至如歸言升其墟遂邇王畿赤組不足

時紫衣

墟去魚切大丘又故城  
畿渠希切或作圻

六、七、九、巽之象也。六主乎巽，與七以近相入，越歷乎八，遂得至九，刑清民服，旅願出途，士願立朝，是為脫其巽白，繫赤衣紫，上承天寵之象占。

農十  
九章



高明之權有鬼為瞰，蓬戶甕牖，仁義惟哈，羝凶麤悔亡。  
攬即計切，通作麗，一名棟，瞰若監切，或作欄。哈胡紺切，麤通作除，夜則懸角木上以防患。

一、三、四、兌之象也。四為居，三為祀，初為食，四乘三上，近不相得，是四為高明之居，三惟瞰室之鬼也。一生三，并而為四，四初相生，四不求安，初寧求飽。



四安蓬甕初飽仁義匪和即孚也兌象為羊四主  
乎兌乘則舐突之羝而凶相生則懸角而善防患  
之鷹鬼瞰之悔即可以亡

農二  
十章 ○○○○一○○○一一一

舒鳧桔鵲眇厥一目并飛東西或縮或朐既集中隩

无咎

鳧防夫切舒鳧鵲也俗謂之鴨曲禮作匹疏云  
庶人之贊匹鵲居六切桔鵲鳴鵲布穀也并音

盤縮所六切朐女六切音與鰕同隩於  
六切四方土可居也本作壘古作兀墜

一二與五離之象也五于八政為司徒一食二貨

合生于下初惟桔鵲有食為食有穀可布二惟舒

鳧有財爲用有贊可執所謂倉廩實知禮節衣食足知榮辱政惟其時也乃一二于五間去二位无能上麗如離日各眇其一无全見也雖有生育而无禮義三四俱虛并飛東西也五中難卽或失之縮而歛退或失之騰而迫急无隩可居也此近于禽獸之吝占必合麗于五而後爲无咎也

卷二十一

一

一

司馬奏事報不逾時司徒升士定以再期武文綱維  
疎密宜之大吉

五八九離之象也八依于九軍國大機馳報宣答  
无少稽也五間于九賓賢與士三年一舉无愆期  
也如是而文武具修綱維振舉踈密得宜占大吉  
也

震二十  
二章  
○○○○○  
一一○○○  
一一○○○

災无妄禳福无妄修明清于單辭疏淪其泉流人謀  
鬼謀貞右諸非災橫禍不出慎家之門謝顯道曰今人于祖宗舊却鹵莽只管外面祭他鬼神不知他鬼神與已无相干淺鮮極其誠敬備其牲宰若  
是正神不歆非類若是淫神竊食而已益无降輻之

二、三、六、坎之象也。三、主乎坎，近二遠六，六遠而不  
上，乘災无妄，讓也。二、邇而居其下，福无妄，修也。明  
清于單辭，更能洞察獄情也。既淪其泉流，又能導  
利而與民同也。邵子泉布吟，名爲泉布者，无足走  
人間，善發難言口，能開不笑言，償逋小續命，賙急  
大還丹，唯有商山老，非于買得閑。又禍如許，免人  
須詔福，若待求天可量。又中孚起信寧煩禱，无妄  
生災未易讓，是爲在陷无陷，以人謀合鬼謀，六禁  
既以上清，二貨又无下黷，與鬼神合其吉凶之至。

占

卷二十一




○

\_\_\_\_\_

子罕之宮西潦南壅士尹歸荆釋宋不攻荆宋之平  
胥詰士仁人之折衝悔亡奈音老壅於容切劉向新  
城子罕止而鴈之南家之墻梯于前而不真西家之  
潦經其宮而不止士尹池問故于罕曰南家斲工也  
吾從之其父曰吾將斲而食者三世今徙是國之永  
斲者不知吾處也爲是吾不徙西家高吾室果潦之  
經吾宮也利爲是故不禁也士尹池歸荆適興兵欲  
伐宋士尹池諫宋不可伐其君賢其相仁仁者能用  
人攻之无攻荆釋宋而攻鄭孔子聞之曰夫修之廟  
堂之上而折衝千里之外者計城子罕之謂也  
四七八坎之象也七爲賁如使宋之士尹池七八

近而相得之爻以七加四如將欲攻宋之荆兵四  
居坎下如司城子罕之居以南家之牆則擁其前  
而不直以西家之潦則經其宮而不止士尹池觴  
子罕之宮而知其賢既歸荆遂諫止攻宋之兵以  
上能使荆師无暴以下能使宋不被兵皆七賓專  
使之能事四稱仁七兼稱智是爲荆宋之平胥喆  
士仁人折衝之象而上下陰陷之悔遂得以亡

農二十  
四章



相彼屋漏匪其有覲乃于東南祠此雉雊正士疾走

聞其堂構各

雉音見初三章走則候切傳國將興聽于入將亡聽于神曲禮非其所祭而祭

之名曰淫祀淫祀無福

三四七離之象也離為雉三為東七為南反乎東

南為西北室西北隅曰屋漏屋漏隱暗處神之格

思不可度思矧可射思視于无形聽于无聲戒謹

不睹恐懼不聞此深悉鬼神之情狀者也四為離

主居于三七之間麗不以中故其明亦不正其于

屋漏則謂其莫覲有雉雉東南則禳而祠之忽其

隱暗畏其明顯祠非所祠恐神明之顯燭者眇而

幽極者多、神弗爲福、人弗爲助、其于正人君子、亦  
若驅而遠之千里之外、三祀旣下、離七賓若遠去、  
豐其屋、節其家、閤其無人、无爲合以相麗之吝、占

農二十  
五筆



雉介之反、遂爲兔狡、遠附惟蘿、倒寄惟蔦、正直目前、  
匪藐則眇、貞吝、使、古步切、鳥、都、以、音、與、鳥、同、寄、生、

三、六、七、離之象也、六居離中、麗不中正、反雉之介、  
稔兔之狡、七遠人、名高可鬻、不勝攀附、三正直在、  
其目前、甚藐忽之、以近七而遠三也、三固亟吐、七



詎為來姦无所施司寇禁厲是為貞吝之象占

農二十

六華



有芑中沚蕤蕤縈縈民萌階阼廣居仁里軍師徙倚

層城重壘大吉

芑虎里切白梁栗沚諸巾切或作淝是偶起切音與擬同縈如纍切阼鉏

里切音士重直零切壘方執切

四五八坎之象也五主坎中象則未均而四承以  
近八乘在遠以中貞教人可歸之以為極有芑中  
沚蕤蕤而極其盛縈縈而向下垂也四居近而階  
升之易八師遠而采采非難居為民衆而循五教

仁義爲麗、忠信爲基、居惟廣、居里惟仁、里出爲師、衆而循、五教禮義于櫓、忠信甲冑、城爲層、城壘爲重、壘皆教、立險中而以險成、周之象吉、

農二十  
上章



匪貨府宰、匪富入淵、匪百鍰爲贖、匪千鍰得半、時乃

延、時乃甄、貞吉、

平、延連切、延、式連切、延、延切、爲、

二五六、坎之象也、五貞、教于坎陷中、貨在二、匪其

于六之禁、禁在六、匪以二貨爲出入、如是、于教爲

備、于性爲復、合二六而爲旣、旣、旣甄之士、旣成之

器以貞則吉貞无不吉之象占

農二十  
八章  
一〇〇〇一一〇〇〇〇〇〇〇〇

祝鳩鵲兩兩南飛越溪度山合化為翬文采既備

雉繳亦希鷄所兩切音與夷同師莊切音與霜同翬許歸切雉素質五采皆備曰翬左傳五雉

為百工王等其一也肇蓋中央之雉鳩居求切左傳

祝鳩氏司徒也杜預曰祝鳩鵲鳩音追孝故少皞

氏以為司徒主教民又性拙不能為巢今人辨

其聲以為无屋唯云雉音增田矢也繳音均

五六九離之象也五六以近相麗五祝鳩氏司徒

也以六為群六鵲鳩氏司冠也以五為偶而皆惟

九是向惟九之前後為相導兩兩南飛也七八前

虛越溪渡山也、合九爲離、合化成翬也、五教振舉  
文采既備也、六禁不施、姦慝自輯、增繳亦希也、是  
爲教修刑措之象占

農二十  
九章



玄圭既錫、暨益奏庶鮮食、暨稷播、烝民乃粒、離祉于  
臯、吉、臯、切

一四五離之象也、而四五以近、四一以遠、四主麗  
于中、作司空平水土、告成功之禹也、一去四遠有  
益、奏鮮食于先、有稷播百穀于後、而後烝民粒萬

邦父四五始近相得而敷教明倫之契玄鳥生商之社遍天下及後世人得有所附麗故占吉也

震三  
十車  
○○○○一一○○○○一一一

桑婦農夫猗猗原陸前三後三不聞驚鹿白雲長流

青天矗矗无咎矗初六以古賦崇山矗矗楊氏曰古呼治獄參軍為長流亦猶稱刑官曰

白雲  
司

一二與六震之象也一二相守二如桑婦初如農夫婦勤于桑夫勤于農猗猗原陸也有司冠掌禁于六六居前虛三位後虛三位之中與初應叶雖

居震體前後三年曾无驚恐之患也刑罰清于上  
生養遂于下六干卦屬乾故又為天清地寧民安  
物阜之極占

農三十  
一章



八通四守旅貢无受大保作訓九似以厚遠格邇阜

吉旅西方蠻夷國名西旅貢葵召公以為非所當受

可使者阜胡口切

阜房九切或作隄四八九艮之象也四八承九以安其止八通道四

為守中夏又安蠻貊率俾也艮犬為葵四居前

三位俱虛之中雖與九應去九為遠下有貢上无  
受也大保作訓八訓九受不寶遠物所寶惟賢能  
為止主以主止于四八之上也九似以厚无細行  
之忽无一簣之聲也不寶遠物則遠人格所寶惟  
賢則邇人安今遠邇而安其止也

長三十一  
二章



朱陵之鎮其神祝融祈不利黷匪以彤內環飛蚺

外集歸鴻吉

融以戎切彤音與融同史記重黎為帝  
嚳高辛氏居火正有功能光融天下帝

嚳命曰祝融蚺防无切蠶蜩一口蠶蜩得其子母血  
塗錢置母用子置子用母皆自還故謂錢為青蚧

二三七巽之象也二七俱火三居其中其鎮朱陵其神祝融也二為巽主有懷者貨二近巽三敬事則神匪神是黷匪利是祿蓋幽質神明之君子也二七應爻二不求利而无不利七不期合而无不合飛蚨之環即義即利歸鴻之集聲應氣求故占吉也

震三十



二章

軍旅賈賓客圍宗廟鮑有一不亡獲三已多貞吉无

咎圍音諾鮑徒何切



三七八兌之象也七八以近相得三八又爲應叶如衛靈公雖无道而八以賈治七以圉治三以鮑治且不至喪其在有道固可知矣如是則貞以貞則吉而占无咎

農三十一  
四章

居无黷祀出謹禴禡飛翰之陣苞山之舍軍中夜驚  
亞夫勿咤禴力遂以禡莫駕切皆帥祭于内曰禴于野曰禡舍始夜切咤陟駕切本作吐或作嘖嘖

三四八震之象也。三爲震王。四近爲乘。居无黷祀。

也八遠爲叶出謹禱禡也三祀孔虔八師有制其  
動則飛翰之陳八之出莫可禦也其止則苞山之  
舍四之居莫可搖也軍中夜驚四逼近乎三震也  
亞夫勿咤三震自得其位也震象未均三八有叶  
故占如此

農三十  
五章



關津厲禁人情詢詢所禁者姦匪其登孽旅旣卽次  
物亦无踊詢詢無以衆言也喧哭之聲或作踊踊全難切跳也左傳踊實

二六七艮之象也七主乎艮爲門闕爲禁止與六

卷之三

— — — — —

1  
2  
3  
4

四、五、九、巽之象也。巽爲魚，四爲巽主，與五近而相得，依其蒲，衽席而安居也。躍在藻，近五而有文也。匪四，是主惟五；是中惟九，是向四，无逸居，五貞善教，近有變化，遠輒響應，占大吉也。

**SECRET**

野斯獮、怪斯獮、有孚芸芸、達生跪乳、聚而不焚、千百

同。五音切。音與同。野干、積、計、分、切。音與汾同。五音切。美。季。垣。子。穿。其。得。土。缶。中。有。羊。以。

問孔子言得狗，孔子曰：以吾所聞，非狗，乃羊也。木之怪，夔罔兩，水之怪，龍罔象，土之怪，類羊也。芸芸物多，類，連連是也。或作奎，或音焚，亂也。陸佃曰：羊有角而不用，類牛，執之不鳴，殺之不噪，類死義飲其母乳，必

跪類知禮性善辭故群字从羊王應電曰羊達生跪  
 乳近于孝外柔內剛近于勇非群不處近于和千百  
 維群進止定于一有君道焉又羊之類易繁一歲之  
 內母既生子子復生孫孫又生子子復生一歲三子  
 一五六兌之象也一五中睽而六為主以六乘五  
 艱則野羴則怪是來兌而致寇也一五孚而生六  
 一哺乳而遂生五不相抵觸而貞教率天下之人  
 而皆可與群將姦不待禁而自无故占吉也

庚三十  
 八章  
 ○○○○一○○○○一

冀缺攜儷慇懃壟畝曰季過使載之車後旅不徒行  
 食不徒糗實維其耦吉无咎

畝莫後切後胡豆切糗去久切耦五口切左傳

倍公三十三年日季使過冀見冀缺傳其妻饋之  
敬相待如賓與之歸薦于晉文以爲下軍大夫

一二與七離之象也一二相守于下初如夫二如  
婦初爲擗二爲饋冀缺攜饌慙慙也七于八  
政爲賓雖于二遠以四位而實惟應爻一見而知  
其賢遂載而與俱歸也如是七賓不爲徒行之旅  
初食不爲徒糗之夫而饋敬如二去彼見金夫不  
有躬祇知以貨爲利者奚啻千萬蓋爲一七之所  
爲猶易而爲二之所爲更難天下麗明之德无以  
復加于此故占吉而又无咎

農三十一

九章

一 一 一 一 一 一 一 一 一 一

赫、幹、煌、煌、匪、爲、黷、主、瓚、穆、穆、匪、逢、福、樂、彼、園、檀、匪、其

穀、大、吉、

穀、古、祿、以、楮、也、惡、木、也、內、史、過、日、道、而、得、神、是、謂、逢、福、淫、而、得、神、是、謂、貪、禍、

三、八、九、離、之、象、也、三、八、應、合、八、九、相、承、九、于、八、師、

躬、御、戎、服、以、作、之、近、而、无、黷、也、九、于、三、祀、躬、秉、圭、

瓚、以、臨、之、遠、而、无、傲、也、三、八、皆、木、得、九、之、克、而、皆、

成、其、美、材、也、上、慈、戎、祀、于、上、下、成、材、器、于、下、上、下、

以、麗、相、成、占、大、吉、也、

農四

十章

一 一 一 一 一 一 一 一 一 一

蚩尤星掌中國震布惟民之饑匪虜之賂宗祏既固

鞮鞻抵牾无咎

蚩尤之以蚩尤旗星名掌蒲昧以祭星日有蚩尤星遇切鞮題氏二音鞮居

選以周禮鞮鞻氏掌四夷之樂器五教

二三八坎之象也坎為險于卦為師于星象蚩尤

旗兵法造自蚩尤列為旗星坎象不均星芒四分

上指蚩尤星掌也中國震恐下星是布三主坎中

遇災而懼修禳以救也惟民之饑合三八以生二

也匪虜之賂初不以財資虜也三得其主二遂其

依八即不為中國守占无咎也



集四十  
 一章  
 ○  
 一  
 ○  
 ○  
 ○  
 ○  
 ○  
 一  
 ○

兵屯法偃千里輪輓游士雜混陰操其鍵四季一愆

軍威大扶輓尤遠切引車也或作輓音與輓同漕輓推輓偃於憶切混胡本切鍵巨偃切一日

車轄又陳楚謂戶鑰曰鍵狀蘇本切今作煩

二七八坎之象也其在師中則兵屯也師有兵屯

且耕且守兵食兩足千古之善物也上下不均其

法廢也二為餉七為旅二七應爻千里輪輓之士

旅也七八近昵又若游士多為雜混于師中而陰

操糧糗出納之鍵也以一木生二火木不勝其所

卷四十一

表四  
二章

堂室高明、无咎、

鳥九  
獸九  
胡廣  
胡祭

鳥九  
獸九  
胡廣  
胡祭

色行長三  
人女

鷹與豺皆知報本而人弗如是蟲蟻之活也目青  
眊朗四九應爻四知上麗无復下乘九親于上而  
三未有不懷于下雖為高明之家不虞鬼瞰之患  
四終成麗之象占也

張四上



拂士格人盍簪于門蜣螂之飽玄蟬不論南轅吉北

幡主人有言

拂薄密切本作粥所以輔正弓弩者抱  
朴子玄蟬潔饑不羨蜣螂穢飽幡孚表

切音與  
翻同

一六七離之象也六主離中疇象未均而下降者

上非七之克，惟七是麗。七嚮明，非匡翼之拂士，卽刑範之格人，以近相得，盡簪于門也。一六應爻，一雖有食，可推而六曾不爲下也。如是，六有上達而無下達，是爲貞而得吉之象占。不然，則孟子所謂飲食之人，司馬公所謂豕腹饕餮，爲人益膏陶谷子之妻，所謂犬彘不擇食以肥身，立而須死，終爲刑戮之民而已耳。

農四十  
四章

○○○○○○○○○○  
一一一一一

多黍多稌，惟鷄惟鷄。張弧說弧，五服无呼亨。徐同都切，鷄方

質切鷄  
元俱切

一二與八震之象也。震于稼爲反生，二高燥宜黍，初下濕宜稌，高下皆熟，民生之養，无不遂也。初不失主，與二相守，震來虩虩，常如鷄之戰栗，常如鷄之憂虞也。二八皆中，財阜于內，師寢于外，先事有防，後事无悔，在震无震，張弧說弧也，中虛五位，五服无呼也，惟民生厚，因物有遷，其自爲謀，動干戈者，何限，惟淵默雷聲之君子，爲能早見而預待之，則初主之能事，而非二八之可與也。

農四十一  
五章

一  
二  
三  
四  
五  
六  
七  
八  
九  
十  
十一  
十二

細柳躬勞匪威之糾百金慎惜匪吝其有遠荒牀第

率土培塿无咎

勞去聲糾居黠切第阻史切音與澤同陽史切音與置同音簿口切坡麥郎

口切本作部婁下  
山也又小阜也

二八九艮之象也八為木為師九通而為之止是

亞夫軍于細柳而漢丈躬為之勞也九于二遠而

无通雖露臺百金之費有必惜也且惟藏之民間

匪其藏之天府是以于八則聯為一闢于二則遍

天下而成小丘小阜皆艮為門闕而成始成終為

武偃財阜之象占

震四十一

六章



喪其匕鬯弗躬弗親匹夫遑遑朝狐暮魏目耳自堙

子子其身

子音七倫切音與後同東郭狡兔堙於真切

蟻赤蟻又云夏秋間積水惡濁則生之無足其細如

蟻好聳腰而上群浮水際遇人暫下一名蛸一名到

蛄

二三九巽之象也九為政其于三祀遠以五位國

家常祀之禮久為廢棄弗躬親也遑遑求財利惟

恐不足者匹夫之細行而不言有无多寡者乃或

遑遑九所克故遠之九受克故近之以圖言九南  
二西南近北以殖二三相得于坤宮孤兔縱橫于  
朝暮巽隱伏又近利也三視九聽豈不聰明惟二  
是主惟二是殖乃自塞也合五位而中虛貨財雖  
聚甚有孤立于上之憂是爲貞吝之凶占范叔明  
曰鉅橋鹿臺不積紂不至于自焚瓊林大盈不積  
德宗豈其出走自古殖貨亡身豐財喪國者亦可  
以鑒矣



虜方款關、旅亦卽次、中國空虛、玄枵示異、栖歆被野、

糗餌不備、吝。

枵、虛、癯、切、瘦、乾、

一七八兌之象也七八以近相得是虜方款關而  
旅又卽次也人道弗立于其中歷一至七合五位  
而俱虛一屬玄枵之次爲虛爲耗非无畝栖野被  
之禾稼而有種无歛糗糒供給亦有不具是爲外  
治有餘內治不足之吝占

八 辰 四

①

○

8

8

8

8

8

8



—

襲六爲一、家足戶幘、匪府庫之給、匪堂陛之及、惟匹

是執无咎

襲祖合切輯奏入切匹驚也周官庶人執驚取其不飛遂說苑驚无他心故庶人以

一二與九離之象也九于八政政政之位其于一  
二去之以六乃一原始而九厚終襲六爲一不啻  
君民聯爲一體也一食二貨无不克盈家足戶輯  
也墨子齊桓公出遊見老人命之食曰請遺天下  
食命之衣曰請遺天下衣公曰吾府庫不給曰春  
不奪農時則有食夏不奪蠶工則有衣匪府庫之  
給也雖在大有君不求其有于民民不交其有于

君初不以食貨相為征求而有交之害匪堂陞之  
及也曲禮庶人之摯匹匹驚也驚不散遷而又乘  
匹不妬一二相守于下惟上所畜守其耕稼不飛  
以翔不散以遷又為惟匹是執之象占无咎也

震四十一

九章

一

一

一

一

一

一

一

一

一

一

一

一

一

一

一

一

一

一

禁禁畢弋軒墀蹴鞠日絕蔀屋黍稷遍于原陸貞凶

禁禁畢弋軒墀蹴鞠日絕蔀屋黍稷遍于原陸貞凶

一八九離之象也八為師八九相近嘉兵不祥也  
一伏于下隔越六位不惟距不克逮即目亦不及

瞬其在于初、遠无以麗情不上通、惟有鋒鏑死、亡  
溝壑填委之憂、雖有食、不得而食、其在于九、民有  
食、且不能自食、在九又惡得而食、諸占貞凶也、

農五  
十章



宜稼于田、受福于天、好爵乎、攬獲繁于東方、喪麗于

西南、无咎、

寧、商、絲、切、繁、符、艱、以、麗、麗、離、二、音、

一三五、乾之象也、值均德、合于初、民无匱食、宜稼

于田也、于三八、无乏祀、受福于天也、五為司徒、貞

教于中、我有好爵、與爾靡之、有孚攬如也、三又主

乎一五之中獲繫于東方也如是雖七九不全而  
乾旋之圓體初无所失故无咎也

一 章 萬五千



鎬京辟靡極南來賓土之甄金之鎔東北未入于罩

罩无咎

靡於容切賓祖宗切南蠻賦也賓布或作  
帷鎔餘封切罩音溪又音敷罩音克

五七九乾之象也九五尊爻九鎬京五辟靡也七

爲南極南來賓也七又主乎九五之中五土以七

爲甄九金以七爲鎔文明化成雖一三未備東北

之隅或遺于聲教之外而非咎也

農五十一

二章



司徒秩官、幽明兼理、百神受職、列辟同軌、不盡戴履、

五福、萬壽、元吉、

乾居有切、萬壽、萬力軌切、

三五七、乾之象也、五居中、以敷教業、官七同軌于上、三受職于下、雖一九未備、而五福之來、如萬之薰、而不可解、大善之吉占也、

農五十一

三章



子荆居室、順道不逆、內藏无貳、外護无螫、甲冑戈兵、

措之、寔安、

漢書多切、以羅黃黑、色出蜀中、能食銅鐵、今謂之白澤、螫施隻切、或作蠡、寔安祥亦切、

一曰長埋謂之窆

二四六坤之象也。坤德之順，上下均和，四居坤中，衛公子荆之善居室也。二无所蝕，內无貳也。六不容奸，外无螫也。人之居室有能，內无貨利，以疚其心，外无奸忒，以隳其行。如是，則八師之隱，如甲冑戈兵，永措深埋而不復用，天下復有鬪爭之患者，无之也。

農五十  
四章



獄吏空羴，牧子縱牯，內无鵠鹿，外无獬豸，財貨不克。

人不稱寔

野五軒以牯公戶切鵠鹿鵠也卽九頭鳥今謂之鬼車天將霜先知之而鳴豫勇主

切似龜虎爪食人寔群羽切音與巨同階昨升降所以行體貧无禮故先見于屋室曰貧寔

四六八坤之象也以間而均有順之德有靜之常  
六居坤中人不爲姦圉圉空虛也由是四處其內  
得以安居八處其外常无兵患匪求安居而居自  
无不安匪故偃武而武自无不偃李西谿詩千年  
古道萬年堤老枯循循不解迷牧子不知何處去  
亂山芳草鷓鴣啼如是雖二貨未具而謂復有貧  
寔之患亦世之所无也



農五十  
五章

○○○○一○○一

主澤匪鵠。腰秋惟驅。當闕有盧。沈之辜。或攘之輸。无  
 咎。鵠戶胡切。水鳥。腹下胡大。如數升囊。一名淘河。一  
 名涸澤。罪。棒俱切。虎屬。嘗以立秋日祭獸。王者亦  
 以此日出獵。還祭祖廟。曰驅腰。腰。龜珠切。盧落胡切。  
 出犬辜。古胡切。磔也。驅辜。祭四方。沈辜。祭川。鰕。羊朱  
 切。

一三與六兌之象也。六為兌主。一與叶應。守其在  
 澤。生養有節。匪鵠之涸澤也。三六相生。動不忘本。  
 祭報以時。若驅之腰秋也。六司邦禁。有如陰陽分  
 布。震雷出滯。土不備墾。是為情農。必辟在司寇。有

農五十六  
六章

農辰五  
上八章

良經

貴

四七九巽之象也巽爲魚四居七內七旅四外火  
金相克居未獲安旅无所歸洛鯉伊鯨或失其故  
也四九應叶四主乎巽承七以道上卽下附交相  
巽也巽入至九要終有歸如魚聚淵七宜于洛四  
宜于伊居安于家旅安于次占无咎也

晨五十  
七章



鄭賈懷璞至自百粵待價而發周人坐市相爲告訐  
百貨齟齬璞正角切鄭人謂玉未理者周人謂鼠未  
腊者周人懷璞遇鄭賈曰欲買璞乎出示  
之乃鼠也訐居謁切齟下沒以齟齬猶斷齧也又宋  
之愚人得燕石于梧臺之側藏之以爲大寶周客聞

而觀焉。主人發寶，華櫃十重，綬巾十襲。客見饒而掩  
目，謂實而笑曰：「此燕石也，與瓦甃不殊。」主人大怒，藏  
愈固，守愈謹。羅景綸曰：「忠賢才識之士，國之寶也。  
有寶而不知重，棄荆玉而喜燕石，賤周璞而藏鄭鼠  
首，國之不幸也。」

二、四、七、艮之象也。二爲貨，在艮則如鼠；七爲行，貨  
之人與二陰陽合德，其所懷以爲貨者，未理之璞  
也。玉也，陽動陰靜，陽行陰止，四爲居，貨之人與二  
兩陰非應，其所坐而欲售者，未腊之璞也。鼠也，鼠  
與玉混，至于告訐，百貨不至，故齟齬也。崔仲鳧曰：  
「天下之趨于仕，猶商賈之奔于貨也。鼠璞无辨，而

貨混于市、君子小人无辨、而品淆于朝、淆于野、君子而叢垢終身、小人而襲譽沒世者、比比而是矣。

震五十八章



蚩尤始亂、苗民虐剝、家為巫史、妖誕雜至、重黎簡置、

內清外位、无咎。

觀射文曰：古者民神不雜，少昊之衰，九黎亂德，民神雜揉，家為巫史，烝享

无度，嘉生不降，天禍降臻，顛須受之，命南正重司天，屬神，正黎司地，屬民，使復舊常，互相侵漬，呂刑蚩尤，惟始作亂，苗民作五虐之刑，民典胥漸，泯泯焚禁，罔中十信，以覆詛盟，舜命重黎，絕地天通，罔有降格，云云，重少昊之後，黎高陽之後，重即義黎，即中也。

三六八震之象也三八雖應六居匪中三震不及

六何以至八、以致兵爲暴、刑爲虐、民漸于昏、胥聽于神、人神雜揉、家爲巫史、烝享无度、此妖誕之所、以興、人心之所以不正也、重黎旣簡、南正司天、屬神、北正司地、屬民、絕地天之通、嚴幽明之分、无侵瀆也、三得其職、因天事天、因名山以儼鬼神、六八竝治、刑无不清、兵不待觀、內清外位也、如是遂可以與天下共寡過、故占无咎、自古帝王爲治、使民神不雜、天地不通、後乃復有崇神通之教、以雜揉其民、皆九黎三苗亂德之儔、而重黎義和之罪人、

不容于堯舜之世者

農五十一  
九章 〇二〇〇〇一〇〇一〇〇

鷹不擊伏更化為鳩矧丁秋至等此驅腰幾希異同

載諏載謀吉禽經鷹不擊伏鵲不擊虹月令仲春鷹化為鳩應陽而變則喙仁柔而不鷙也

夏小正曰鷹者其殺之時也鳩者非其殺之時也善其變而之仁也又立秋節鷹乃祭鳥龜腹見五十五

歲

三五八兌之象也三五合乎以生八八主乎兌師

之所出木德為吐出惟義舉不擊伏也能貞五中

又善變也三應于下秋乃祭鳥與驅埒也人之所

以異于禽獸也。幾希，此幾希之間，不必論異，且當  
論同。載、誦、載、謀，必先不失鷹與羆之所以同，而後  
更求鷹與羆之所以異，真有所得，乃占吉也。

農六  
十章 ○ ○ ○ 一 ○ ○ ○ 一 ○ ○ ○ 一 ○ ○ ○

荆楚之人，其習嗜利，負祝七日，化為蜾蠃類。蟾蜍怒臂，  
胡蝶栩栩，吉无咎。蜾蠃，古火切。蜾蠃，細腰蜂。淮南子以  
蜂之類為貞蠃，言其無欲也。蟾蜍，

音齊蠃，一名巨蠃，蜂之類也。  
適意善化者，相况羽切。

二、五、七、巽之象也。二、七應交，于行爲火，居國南鄉，  
惟利是嗜，乃荆楚之陋習，非中國之義類也。合循



五教棄利懷仁義負祝七日化爲蜾蠃類也五七合  
德二巽五下極螳怒之勇盡蜾蠃變之化惟五教是  
由合五中是化故占吉而又无咎歐陽子螟蛉賦  
爰有桑蟲實曰螟蛉與夫蜾蠃異類殊形負以爲  
子祝之以聲其子感之朝夕而成嗟夫人子父母  
所生父祝之言子莫之聽父傳之業子莫克成父  
沒母死身覆位傾嗚呼爲人孰與蟲靈人不如蟲  
曷以人稱陶靖節命子詩厲夜生子遽而求火凡  
百有心奚獨于我旣見其生實欲其可人亦有言

斯情无假

農六十一章



天門地戶、合一宅、四通六闢、九不隔、大吉、

四、六、九、艮之象也、艮有門闕之象、六乾為天門、四巽為地戶、四九應合、天下一家、合為一宅也、九以天下為家、四无不通、民居安也、六无不闢、禁網疎也、九闢不隔、上下之情、一无壅也、占大吉也、

農六十一第二章



東南燕處、西北亾警、震行无青、青所見切

一四六震之象也陽以震陰初震四六者也四不  
震初或如燕雀之處堂六以叶初至于警備之忘  
設居何以稱安奸何以稱禁必初震行而後爲无  
害死于安樂而生于憂患人情大抵然也

震六十  
三章



仁義之麗鳴鳩嘒嘒山陽之襟蘭臭之契連綴爲袂

吉麗屋棟古作而鳴呼患切襟于例切音與祭同黍  
稌飯之美者有山陽之襟契古計切綴陟衛切音

與喘同袂彌弊切  
列子鳴鳩氏司空

一四七離之象也上下彬彬四麗其中司空得職

仁義為麗天下之安居也而合一七以相麗于初  
為山陽之繇于七為蘭臭之合是為連綴上下而  
成同方合德之吉占

震六十一  
一〇〇〇一一〇〇〇〇

冠賊姦宄魍魎魑魅白日青天總不得肆士與秩宗  
夙夜敬事吉在內曰魑在外曰姦

切本自麗  
肆意則切

三六九離之象也六麗以中上清下寧白日青天  
也冠賊姦宄魑魍魎神之神為妖鬼

之爲怪者二者總以陰肆當白日青天而有見世  
必无之邵子詩幽暗巖岨生鬼魅清平郊野見鸞  
凰一念邪千邪萬邪无不生矣一念正千正萬正  
无不生矣士與秩宗夙夜敬事又六三合麗于九  
之象占

三才之中農政所蒔氣動黃宮白浸黑漬虎臣馘獻

何政不得其中、三才之中、農政所蒔也、五又二八之所中、爲天地四象之冲、和八春土主生、其浸白、二秋土主成、其漬黑、悉由中五所出、冲氣合上下而爲之融液周浹、如是八受成于上、二式化于下、一皆能貞五中之能事、匪由教弗與、占貞吉也、

農六十  
六章



祖迎有作、奔走有憲、神福无獲、成民是酢、匪盅匪終、維汭維約、无咎、窵音見、敬五章、本作恪、武王封虞夏商之後、以備三恪、獲居縛切、豈直弓切、器虛終、職戎切、篋也、是若切、約於略切、

一三七乾之象也。三爲祀主。一七之中。禮祖迎于坎壇。以祭寒暑。往者祖送之。來者逆迎之。初寒七暑。三祖迎于其中也。七爲賓。奔走有憲也。初在下。有民事之成。而後有祀事之修。神福无徵。惟成民是酢也。如是。雖五九兩爻未備。而人可酌以取中。人可要以爲終。占无咎也。

農六十一  
上章

一〇〇一〇〇一〇〇

鄭伯趙武。享于垂隴。七穆雲從。惟君惟宗。際桑根中。

黍苗茸茸。悔亡。

隴叶音龍。宗作冬切。茸而容切。左傳諸侯爲宋之盟。鄭伯享趙武于垂隴。

七卿皆從、文子曰、七卿從君、以寵武也、請皆賦以卒  
君賦于是、子展賦草蟲、子西賦黍苗、子產賦隰桑、公  
孫段賦蟋蟀、七人並有才名、世任鄭國之政、以免晉  
之七卿、

三七九、乾之象也、三七相生、三致享、七月賓合、以  
君宗乎九、如是、則五未備而教令未嘗不行于中、  
初未備而民食未嘗不足于下、而七以克九、九以  
克三、之悔皆可以亡、



司閭考牧、司市徵鬻、居人聚塾、不待有鞠、家无黷恩、



11

司 園

刻

之堂鞠居六切黷徒  
谷切處房六切虎貌

二、四入坤之象也。坤德至靜而安寧。司圉考牧。入

師不興也司市徵鬻一貨流行也四居坤中未得

爲中、居人聚塾、有教而要于中也。如是將不待六之刑禁之、設以內无黷之恩、以外有慮之服、占吉。

不假言也

豐辰六十  
九章

庸氣內洗、邊烽外弭、義刑義殺、勿庸以卽汝心之所

吉、銀、鹿、凡、几、安、貞、吉、

弭莫禮切鹿居里以亦作麋符端志銀鹿刑罰得中民不為非

則至字說鹿虎所在必鳴以告鹿屬皆馮以為安其聲亦几几然

二、六、八、坤之象也、而六為中、虜氣內洗、二、貨、无、衍、于、內、也、邊、烽、外、弭、八、師、无、黷、于、外、也、四、居、未、備、六、禁、未、中、義、刑、義、殺、凡、刑、與、殺、皆、當、以、義、勿、用、以、就、汝、心、之、所、安、必、要、于、中、也、六、居、不、失、其、中、遂、合、上、下、而、皆、有、所、馮、以、為、安、以、安、則、貞、以、貞、則、吉、

農七

十、章、一、○、○、○、○、○、○、○、○、○、○、○

植必以根蕃亦以垣憑高匪桎下集維鵠親親彝序

本本原原貞吉

檀、栲、葉細如絲似柏而香、天將雨、檀先

起氣應之、故名雨師、而字必聖、焉於素類

三五九、乾之象也、三千八、政爲祀、于五行爲木、木以根生、祀以報本、植之根也、五于八、政爲司徒、于五行爲土、植雖有根、栽培滋息、周遶樊衛、全在五、教一有不至、所自邪也、自九至于五三、睽間以七、九不自聖、以七爲來、其于五三、遂无不合、如鳳斯翔、儀虞鳴、周爲國上瑞、憑高匪檀、下集維鵠也、喪服小記、親親以三爲五、以五爲九、上殺下殺、旁殺

而親畢矣。聖人制事存送終之禮，皆以此爲限。疇具其象，合之皆爲木本，皆爲水原，故占貞吉。

農七十  
一章



有甄中達，有冶南國，精意以禪，五年我範，七年嘉客。

衍衍飲食。

甄音見二十七章，禪，虔益切，祭之明，以重祭名，殷曰祭，周日禪，通作釋。

一五七，乾之象也，而一千五七，睽之以三，有祀禮。

不修，徒食在下之象，一能精禪，以祀五，甄之在中。

達者也，一守爲模，惟其範也，七冶之在南國者也。

一嘉爲客，惟其鑄也，如是而一之在下，豈其爲空。

食之人惟君子爲不素餐既範五中又進七明詩  
云不素餐兮孰大于是

震七十  
二章



地震東南虜隣東北邦基不跲无咎

隣良刃切或作  
隣密亦墨切音

虞  
同

一四八震之象也而上下不均震動爲災四震動  
巽維有圯震也八震動艮維有蹂隣也初震主主  
乎二陰邦家之基本也民得其安有食爲天本固  
邦寧雖有地震之災虜隣之患非所虞而无咎也



无故之獲賀者在門弔者在閭无妄之災弔者在門  
 賀者在閭匪門之謚惟閭之茹吉閭中居切謚氏王切信也茹人諸切  
 也度

艮爲門闕二六九艮之象也九止六二者也六二  
 相克疇象不均止非其止乃九則原有定止以二  
 言无故之獲或以爲喜不知賀者方在門而弔者  
 已在閭不足喜也以六言非妄之災或以爲憂不  
 知弔者方在門而賀者已在閭不足憂也瓌語有

奇福者必有奇禍有甚美者必有甚惡世有莫盛  
之福者必有莫痛之咎人所羨于前者必所憐于  
後也二不以利疚六不以威惕而惟要九爲定止  
是爲君子之天時常有定匪門之謹惟閭之茹之  
吉占

農七十  
四章



文魚之獻公礪之蛻首則戴斗夜惟北睇初无蹊刺

終鮮賊盭貞吉

文魚鱗也音里舊云是公礪蛇所化其首戴有七星作北斗象夜則仰首

嚮北而拱蛻舒芮切音與稅同刺郎葛切魚跳蹊刺不順之名蹊郎計切音與戾同

二五九巽之象也。巽爲魚。五作司徒。文教敷于中。貨利變于二。乃風興。則原于上。九徹骨髓而爲之變化。文魚之鰭。公蠲之蛻也。五巽得中。二巽善入。匪已之文而五之文。匪已之成而上之成。于五既无不順于九。且克要終。是爲上有善教。下有善俗。

**H I I I**

有鴝食黠集于泮林懷我好音吉有鴝集梅集于墓  
門其聲則瘖客鴝于矯切惡聲鳥一云鵲鳥黠食忍切柔實瘖音見敬四章詩翩彼飛鸞



集于泮林食我桑黠懷我好音言鵲食桑黠則變而  
美其色好其音以况德義能革小人之非及其食梅  
則否故詩又曰墓門有梅有鴉  
萃止以刺陳佗无良師傅也

一五八兌之象也八主乎兌于政爲師得則除殘  
禁暴失則反爲殘暴譬則鴉之爲惡聲爲禍鳥也  
不徒初食能由五中是爲好音之懷而占吉但爲  
初食不由五中卽瘖不發聲而占吝此與上章上  
以二爲巽主與五相生此以八爲兌主與五相克  
巽木巳屬東南生氣而又二五相生兌金巳屬正  
秋殺氣而又八五相克故其占不同如此云

卷七十  
六章



狼倒立獺圖鋪豹食恒餘東北退匪其通漏不入解

亨貞吉浪音見敬三十三章狼將遠逐食必先倒立

以下所向今獺師遇狼輒喜狼之所向獸之

所聚考雅虎行以爪牙其觀奇偶以往亦與狼同獺

他達切月令正月獺祭魚徐氏曰獺祭圖鋪圖考水

象獺祭方鋪方者金象豹比教切一名程古詩飢豹

食有餘言有所程量而食也退但同通博孤切解薄

切胡

一三八間合成兌三八以木叶德而八爲兌主是

爲好謀有成之師三于本能知報初于食又有程

上下合成兌說三東初北八于卦爲艮艮爲東北

合初三以趨于東北竝无師旅之恐逋亡之患三  
 八木初水舟非水不行水入舟則沒三八與初水  
 木相生藉初為載而不為初所沒故亨而貞又占  
 吉、

農七十  
 七章



不寶遠物遠人既格所寶惟賢拱壁不易黑鰓赤鰓  
 丙穴之逆大吉、  
鰓於臆切魚離之詩三章曰鰓鰓鰓鰓  
 魚偃鰓魚俯言魚之一鰓一俯以著

其衆  
 多

二七九巽之象也二七火行吓德二貨弗貴七賓

來至不寶遠物遠人既格也寶在七賢安在二民  
所寶惟賢天下之寶又何以尚之雖拱壁亦不與  
易也如是二巽于下如鯉之偃七巽于上如鯉之  
俯合以巽九九惟二七以為與處受二如漆之所  
藏不覺其化為黑受七如丹之所藏不覺其化為  
赤九金以二七合克成精占大吉也

長七十  
八章



魏巍紫宸寰宇為宮六府不修惟貨之深藻廉哀恫  
凶賓鴻降自中无咎

象混紅男惻他紅切藻廉漢武  
帝憂群臣于未央殿一老翁長

八九寸自梁上緣柱下指首仰視俯視忽不見帝憮方朔曰其名藁藁木木之精夏巢林冬潛水陛下造宮室斬伐其居故來訴耳帝感之息發

二四九艮之象也艮為門闕四為司空九與四應以天下為家以宇內為宮也八政之中虛其六位六府不修也惟二貨是殖惟四居是崇失其為王居也賓鴻降自中則四九應二七應四可以安其居二可以足其食于過善補故无咎

農七十  
九章



逢春三白內清外肅大无禾麥或得其碧於堂有繹

无咎

頤音與陌同通作莫定也一曰靜也一六八皆

一章後鄭曰繹祭于堂其祭禮簡而事尸禮大名曰繹

一六八震之象也震春令也諺以年前三白爲瑞  
以年後三白爲凶震象未勻初雖震主未進乎三  
于今爲悖當春三白非其瑞也卽六寇爲清八師  
无興恐饑饉洊臻初民莫必其命于下故占凶或  
得其碧是爲春行春令於堂有繹三于八政爲祀  
是爲鬼神其依一六旣應三八又應遂可反災爲  
祥故无咎



匪五是中而四是中挹而損降而下即民居為王  
居若其卑小宮室盡力溝洫民居其居民養其養  
以小民為一體以天下為一家匪高巍之宅而溝  
洫之家之象故占吉

農八十一  
一章



弛禁薄征虛囿實籛編鍾之鳴華平之榮向北无傾

吉其音與語同籛以戎切古製編鍾十六旋宮而設

其上下八鐘黃鐘大呂太簇夾鍾姑洗仲呂蕤賓林鍾其上下八鐘夷則南呂無射應鍾黃鐘大呂太簇夾

鍾華平瑞木天下平其華則平有不平處其華向其方傾側榮水兵劫



一六九離之象也。一六應爻，一原始，九要終，上下相麗，于六為刑罰之省，于初為稅歛之薄，于六為虛囿，于初為實籟。陰虛而陽實也。特六未要于五，中九差近，一加遠，亦未為平。不知疇數十六，一六應吐，匪中實中，原如編鍾之鳴。又如華平之為榮，一六雖偏于北，華平不向其方傾側，故占吉。

農八十一  
二章



畜一千三畜三千九，候鴈北鄉，鵠鳩中不，薇種滿園，蒹蔣盈缶，无咎。

鄉音向，鵠音求，惟切，音與追同，不方九切，音與缶同，鳥飛上翔，不下來也，薇

義名漢時官園種微以其宗廟祭祀故改乎切音與派同形胡一名蔣今所食菱苗米缶方九切

一三九乾之象也古者三年耕必餘一年之食九年耕必餘三年之食一三九相畜畜一千三畜三千九也雖七賓未歸五教未舉而三无乏祀初不失食有初有終占无咎也

震八十三



司里不授館膳宰不致餼明无人排幽无鬼畏鳴鳩之暨无咎籒計既切排方木切暨其既切列于鷦之為鷦鷯之為布穀布穀久復為鷦一變而為七上變而為九九究也乃復變而為一布穀復為鷦則九復變為一之道也



叶不沖貞吉

一五九乾之象也。上下均一、遠邇和同、九之有動出也、于初爲厚生、則耕籍之舉、而民之力于農者、風動于野也、于五爲正德、則臨靡之舉、而士之力于學者、風動于國也、又五宅中、如周禮冬官以土圭之法測地深、正日影以求地中、日南則影短多暑、日北則影長多寒、日東則影夕多風、日西則景朝多陰、日至之影、尺有五寸、謂之地中、天地所合、四時所交、風雨所會、陰陽所和、占貞吉也。